

Wie, Oldambsters

Motto: Oldamsters bin wie
Oldamsters blif wie.

Wie van Woldendörp, Kolhouk,
Beerte, Finnerwol, Noordbrouk,
Waar d'Ol Dodde dag en nacht
d'Haalve en d'haile uren slagt,
Waar ook stait de olle kaark
Mit zien mooie schilderwaark;
Deur zien kerkörgel, vernuimd
Noar Arp Snitger, ook beruimd,
En waar 's zundoags 't örgellaid
Broest van Gods aalaweghaid;
Wie van Winschoot, Maiden heer,
Woagenbörgen, Scheemtermeer,
Van Termunten, wied in 't zicht,
Omdat 't op 'n wierde ligt
Dichte bie de Punt van Raaid,
Dei de Eems van Dollert schaidt,
Waar de neie diek, hier bouwd,
Ons bevailegt veur de vloud,
As noordwester dut en gromt
En de zee aal hooger komt.
Wie van Scheemte, Oostewold,
Van Midwolde, Kloosterholt,
Waar men torenklokken gut
Dat 't wied klinkt as men dei ludit;
Scheemte, waar Marioa zit
Boven deur van kaark, in 't wit.
En 'n koegel, haalf allain,
In de toren is te zain;
Wie van Tammek, Olleschans
Net as vrouger, hail wat mans,
Waar de Oa aal zunner èn
Slingert deur het laandschop hèn
En zok kronkelt noa en veur
Tussen boerenploatsen deur;
Netzoon stee dat vin ie naargns
Op de wereld aanswoaraargns.
Wie hier van d'Oldlaandseweg
Dei zok slingert, zo ik 't zeg,
Aal in bogten, om en om
Tot ik aan het enne kom.
Wie van 't Woar, van 't Polderlaand
Bie de diek aan Dollertkaant
Stil, noadenkend, tong nait rij
Moar Oldamsters frais en vrij;
Wie van Olsde, Westerlee
Van Börgsweer of aander stee
't Groot Oldamsterlaand in 't rond;
Wie van Beersterhammers grond,
Dat van weelde overvluit
As hier 's zummers 't koolzoad bluit;
Wie van Boamsum, gao 't moar noa,
Van Nei Schanze, aan de Oa;
Wie van de keboverrij,
't Lutje loug of boerderij
Op ons vrij en aigen recht
Deur onszulf aal dreuge legd,
Mit zien koren, vei in 't gras,
Onder eerde zolt en gas,
Boven riek en onder riek,
Achter hoge Dollertdiek;
Wie van Fiemel, Troanendal,
Van de Bult en overal,
Uterboeren, Lalleweer,
En van Duinckenakker heer,
Van Hamdiek en Kostverloorn,
Of op Bovenstreek geboorn,
Of van 't Achterhamrik, 't aarf
Op Veenbouwten, van Ol Waarf,
Van Zuudbrouk of Lutjelo,
Of van Kibbelgoarn en zo;
Wie van Tutjeshutte heer
Kikkerpolder, Dallingweer,
Beesterhoogers, van de Leet',
't Oosterenne, veur 'k 't vergeet;
Wie van Tjabbesstreek, Loudiek,
Vledder in het korenriek

Huis aan Huis

20 april 1978

d'Ae weg, Hainweg, Zwoagweg, hier
Ronnom Woldendörper wier,
Mit ons laandschop, wied in 't zicht,
In het golden zunnelicht,
Tels bedekt en graauw belicht
Onder duuster wolkgericht;
Wie van Eexte, Dreibörge laand,
d'Hongerege Wolf zien kaant,
Binnen waik, van boeten haard,
Zwiegsaam, waarksaam, gain drei-
kwaart;
Wie van 't stille Ganzediek,
't Binnen Aester korenriek,
Van Zuudwenners of Goldhoorn,
Of op Scheembergzwoag geboorn
In ons laandschop, woagenwied
In de kimmen van de tied,
Onder 't hemelhoog verwulf,
Kennen, binnen wie onszulf;
Wie, bie daip en kolk vandoan,
Doar de hooge raaiten stoan;
Wie op Schaiveklap op stee,
Of Termunterziel aan zee,
Zummerdiek, Kobeetjedraai,
Scheemterhammer ook, op klaai,
In zien kerkje, luddek, goud,
't Orgel deur Arp Snitger bouwd;
Wie ook van Kromelleboog,
Doar het laand lopt schroad omhoog,
Wie van ziel en gaarst of loan,
Of oet 't Meerlaand ook vandoan;
Wie van Aikaamp, Vraischelo,
Winschoters van 't Dwingelo,
Wie van Boneschans, Blijham, Ben-
newolle en Den Ham;
't Bennewolster loug, al old
Mit zien kerkje, in het holt,
Mit 't museum dat ter stait
En de Olde Wolden hait
Tou memorie en tou zicht
Op de streekhistorie, sticht;
Wie van Griezevrouwenloan,
Doar het vrouger 'n klooster stoan,
Dichte bie Vairtorenkaark,
Olde Ombrechts olle maark;
Wie van d'Hörn en Börg, Törfloan,
Doar ie bie het bos langs goan,
d'Vennen, Ollewieweg,
Bovenburen, zo ik 't zeg,
Lesterhoes, 't Morigelaand,
Hessenbril, Zuveenster kaant,
Broggeschans of Tonkensoord.
As het stee van ons geboort,
Stoksterhörn of Bounderstreek,
Doar Oostwold in Dollert keek,
Of van Naisjesoord en wiek
Mit 't hoogholtje of Oldiek,
Of ook waar Groaf Oadolf stait,
Waar het laand in högte gait
Van de Tjamm', Hamrikkerweg,
Olle börgstee'n, dei 'k hier zeg:
Houwerdoa of Gockengoa,
Drostenbörg en Ennemoa
Dat vandoage nog bestait,
In Midwolle, zo elk waik;
't Raaidewolderpolderlaand
Aan de sloepdiek zien kaant,
Waar ook 't klooster Palmar ston

Dat in Dollertzee verswon;
Wie, in Stoatenziel op stee
Doar het woater lopt in zee
Wie, in Lutje Olsde vaast,
Tussen lougen, Korengaast,
Munniksveen, of jong en old
Van de buurt St. Vitusholt;
Wie, de viskerlu van 't Wad
Aaltied boetendieks op pad
Dollert op in Noorderriet,
Wie van Moushörn, Biesterwied,
Van Grod' Huno's Hungoaheert,
Börg van d'heufdling op zien peerd
In 't moeras en 't dichte holt
Ronnom 't loug van Oostewold,
En zien noazoat Sebo's stee
Dei aleer hier strieden dee
Veur ons vrijhaid, tegen Stad,
Dei 't Oldambt op nekke zat,
Wie van 't olle kloosterstee
Grieze monneken, bie zee,
Vrouger ook Menterne nuimd
En in 't hail Oldambt vernuimd,
Wie van Noapels, Vogelzang,
Dei in Wartum goan heur gang,
Wie oet Troppelhoezen vot,
Ait tevree met loug en lot;
Wie van d'Dellen, Kloosterloan,
d'Haimen, Hardenaarg vandoan,
Udengast, Hailegeloan
Doar de kaark en toren stoan
Noast 'n kander, elk apaart,
Net zo as op Winschoots maart,
Waar de Olle Witte stait
En 't doar doaglieks gooit in 't laid,
En ie kerk zain, aaiwenold-
Mit zien vensters, rood en gold,
Waar men heur van Kruus, Gebod,
Christus bosschop en van God.
In Winschoot, 't Oldamster haart,
Mit Adrillen haildaal swaart
Van aal 't volk dat hier den komt
En oet hail Oost-Grunnen stroomt-
En waar Klinker is in week:
Cultuurcentrum van de streek;
Wie van Rhederweg vandoan
Doar ie over streepe goan,
Wie van Strobos, Oetsholt heer,
Engelken ook, van aleer,
Of van Smacht, van weem en kaark
Van febriek of Tiggelwaark,
Wie van diekwacht en verloat,
Of Oldamster woaterstoat,
Wie van oldsheer ingelaand
Of hier nei van gunderkaant,
Mit 'n kander binnen wie
Aal Oldamsters, ik en ie,
Mit 't Oldambt gelieke blied,
Moar dwaarskopt bie tegenstried,
Van ons aigen haim en heert
Is ons 't aldermainste weerd,
En wie hollen haand in haand
Deur ons waark 't Oldambt in staand,
Mit 'n kander, in ons waark,
Binnen wie 't Oldamster maark,
Mit 'n kander, mit ons licht,
Geven wie 't Oldambt gezicht,
Mit mekoar, nait teegnander,
Hol wie 't hierzoot veur 'n kander;
Wie Oldamsters, doezenddik,
Da's wat ik joe hierzoot wik!
En Ol Pekel, zo as 't ligt,
Op ons olle veenensticht,
Mit zien ploatsen veur en noa
Aan de schoone Pekel-Oa,
Holt, as 't wil ait zien verbaand
Mit het groot Oldamsterlaand
En zien volk, nog nait zo min,
As 't zokzulf moar bliieven ken.
Oostwold (Old.),